

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 26. Februar 2021

Här President,

sou wéi d'Chambersreglement et virgesäit, bieden ech Iech, dës dréngend parlamentaresch Fro (Art. 84 vum Chambersreglement) un d'Madamm Gesondheitsminister weiderzeleeden.

Am Moment mussen hei am Land Mënschen, déi sech géint de Coronavirus wëllen impfe loossen, virdu vun engem Dokter ënnersicht ginn. Den Dokter selwer oder d'Infirmière mécht dann d'Impfung. De Kampf géint Corona ass awer eng national Urgence, an et misst alles ënnerholl ginn, fir esou séier wéi méiglech sou vill wéi méiglech Leit géint déi Krankheet ze impfen.

An deem Kontext hunn ech folgend parlamentaresch Fro un d'Madamm Gesondheitsminister:

1. Ginn et Iwwerleeungen am Gesondheitsministär, fir verschidde Berufsgruppen an Zukunft auszebilden, fir kënnen am Noutfall (z.B. wann net genuch Infirmiëren zur Verfügung stinn) Mënschen ze impfen?
2. Wa jo, u wat fir Berufsgruppe gëtt dobäi geduecht a wéi sollen déi Berufsgruppe forméiert ginn?
3. Wéi soll d'Prozedur vun der Impfung an deem Fall ausgesinn?
4. Ween iwwerhëlt an deem Fall déi medizinesch Verantwortung vum Akt vun der Impfung?

Mat déiwem Respekt,



Jeff Engelen